

Anwar untuk kerusi Parlimen?

BEKAS presiden Angkatan Bella Islam Malaysia (ABIM), Encik Anwar Ibrahim dijangka bertanding untuk kerusi Parlimen dalam pilihanraya umum 22 April ini.

Presiden, UMNO Malaysia, Datuk Seri Dr. Mahathir Mohamad ketika diminta mengesahkan perkara tersebut semalam berkata: "Sama ada Encik Anwar akan diberi kerusi UMNO atau tidak adalah terserah kepada penerimaan bahagian berkenaan.

"Bagaimanapun, kita akan tetap menghargai khidmat Encik Anwar selama ini," katanya.

Datuk Seri Dr. Mahathir tidak pula mengesakan secara khusus bahagian manakalah yang dikahayakan. Bagaimanapun, Encik Anwar yang berasal dari Bukit Mertajam mungkin bertanding menentang calon PAS di Permatang Pauh.

Mungkin bertanding di Permatang Pauh menentang PAS

Oleh RUHANIE HAJI AHMAD

Terdahulu dari itu, Datuk Seri Dr. Mahathir memberitahu satu sidang akhbar di Bilik Gerakan Negara, tentang keputusan Encik Anwar untuk melibatkan diri secara aktif dalam UMNO.

Sebenarnya, Encik Anwar yang dilahirkan dari keluarga penyokong UMNO, telah diterima menjadi anggota parti tersebut sewaktu berada di tingkatan enam, 18 tahun lalu di Cawangan Cheruk Tukun, Bukit Mertajam.

Datuk Seri Dr. Mahathir sebagai Presiden UMNO Malaysia dan Pengerusi Barisan Nasional mengulaskan keputusan itu.

Bellau berharap Encik Anwar akan bekerja rapat dengan semua pihak demi kepentingan masyarakat Melayu, Islam dan masyarakat Malaysia keseluruhannya.

"Saya juga berharap Encik Anwar akan bekerjasama khususnya di bidang keislaman, aktiviti yang mendapat tum-

puan besar sejak bellau masih belajar di Universiti Malaya dulu," tambahnya.

Perdana Menteri juga mengakui pertalian persahabatan dengan Encik Anwar sejak tahun-tahun 60-an memang berterusan hingga sekarang.

Bagaimanapun, katanya, keduanya hanya membincangkan masalah kemasukan semula Encik Anwar ke dalam UMNO sejak seminggu lalu.

Selanjutnya, Datuk Seri Dr. Mahathir enggan memberi sebarang gambaran sama ada sekiranya Encik Anwar bertanding dan menang dalam pilihanraya nanti, bellau akan diberi tugas seorang menteri.

"Kita tunggulah dulu bila tiba waktunya baru kita buat keputusan. Bagaimanapun, kita yakin peranan utama yang mungkin dapat dimainkan oleh Encik Anwar boleh diberi dalam berbagai bentuk," katanya.